

Dia Mundial di Parha Migratorio 2024

Proteccion di insecto ta yuda proteha parhanan

Dia Mundial di Parha Migratorio 2024 yama 'World Migratory Bird Day' (WMBD), ta observa 2 biaha pa aña. E prome biaha den luna di mei y e otro biaha den luna di october, pa 2024 e ta dia 12 di october. Ta celebra e dos diferente dianan pa enfatisa e migracion di e parhanan cu ta tuma luga riba e hemisferio Noord y riba e hemisferio Zuid.

E observacion di dos dia di Dia Mundial di Parha Migratorio tambe ta duna mas hende e oportunidad pa celebra y pa conscientisacion cu ta enfoca riba e necesidad di conservacion di parhanan cu ta migra y nan habitat. E meta ta pa alcanza efectividad di conscientisacion mundial di e retonan cu e parhanan migratorio ta enfrente, nan importancia ecologico, y e necesidad di cooperacion internacional pa conservacion. Directie Natuur en Milieu (DNM) tambe ta duna un aporte local pa cu e dia observa aki. Aruba tambe ta ubica strategicamente pa asina grupo di parhanan migratorio bishita nos pa descansa, recarga of tambe broei pa despues nan bolbe nan luga. Den nos publicacionnan recien nos ta enfoca riba nos fauna protegi cu ta inclui parhanan local pero tambe esnan migratorio manera e sternchi chikito y e sternchi pecho ros. DNM ta inclui algun informacion cu ta pertenece na e tema cu ta enfoca e aña aki, cu ta e importancia di insectonan pa e parhanan migratorio.



Tur aña, riba e di dos diasabra di luna di october ta observa e fecha mundial pa parhanan migratorio. E aña aki e tema ta enfoca riba e importancia di insectonan. Insectonan ta un elemento importante pa sobrevivencia di parhanan y esakinan ta menasa mas y mas. Insectonan ta fuente esencial di energia pa parhanan, esaki ta cuminda pa nan. E parhanan tin necesidad di bon nutricion pa nan mes y pa nan yiunan. E presencia di insectonan ta aporta grandemente na e momento di migracion di parhanan. Durante nan parada na diferente luga riba nan ruta, e parhanan ta busca insectonan den mondi, saliñanan of otro habitat. Tambe nan ta busca pa gara insectonan den aire of ta coba pa esakinan den troncon di vegetacion. Hopi biahe of migracion di parhanan ta coincidi cu abundancia di insectonan na e localidad unda

nan ta descansa. Migracion di parhanan ta un fenomeno natural. E biahe aki ta envolve movimiento masal di parhanan cu ta bula distancianan largo, cu ta cubri continentenan, guia pa nan instinto, señalnan di medio ambiente, y tambe compañía cu strategia. E migracion di parhanan ta un fenomeno cu ta bou menasa. Esaki ta pa via cu e populacion di insecto ta bahando rapido. Akinan DNM ta inclui poco mensahenan importante di e interdependencia di insectonan cu e parhanan:

- Presencia di insectonan ta influencia e tempo, duracion y exito general pa e migracion di parhanan. Durante e trayecto, parhanan ta para na diferente luga riba nan ruta. Nan ta busca insectonan den areanan di cosecha, mondi, saliñanan, 'wetlands' y otro habitat.
- Parhanan cu ta come



un variedad di insectonan. Esakinan ta inclui abeha, sangura, musca, bichi, barbulet, tor y tambe invertebra acuatico manera e spirito di cabrito (tambe yama dopi dopi). P'esey no ta recomenda pa spuit cu insecticida ki ora cu ta y tampoco unda cu ta. Parhanan cu ta come insecto ta yuda combati infestacion di insectonan of tambe combati plaga cu ta propaga malesa.

- 85% di matanan cu ta floria ta rekeri polinizacion y esaki hopi biaha ta trabou di insectonan. P'esey si nos perde e polinisantenan nos matanan lo lucha pa biba y tambe e parhanan cu ta depende di nan.
- Mantencion y restauracion di areanan cu tin awa manera damnan, saliñanan y 'wetlands' ta esencial pa proteccion di e grupo di parhanan acuatico cu ta come insecto.
- Observacion y moni-

toreo di parhanan migratorio cu ta uza ciencia cu ta inclui participacion di hende ta yuda cu conscientisacion. Manera ken no ta corda e conteo nacional di parha, algo asina tambe por haci pa esnan migratorio. Pa medio di campaña educacional di medio ambiente y naturalesa por duna data importante pa restaura y mancha habitatnan esencial cu ta beneficia y conecta parhanan migratorio. DNM ta felicita un y tur cu e di dos dia Mundial di Parha Migratorio den 2024. Ta importante pa reconoce cu mester di mas proteccion no solamente di parhanan pero tambe e insectonan. Bo por admira y reconoce importancia di e parhanan pero mester sa di kico nan ta depende pa nan sobrevivencia; espacio pa biba y tambe loka nan ta come: insecto.

Aruba Conservation Foundation:

Treciendo e barrio di Bringamosa hunto pa e Lora

Como bisiñanan cerca di Parke Nacional Arikok, e residentenan di Bringamosa tabata tin e privilegio pa ta un di e prome nan pa mira e Lora bula den libertad como cu e Lora a cuminsa gara confianza y explora pafo di areanan di naturalesa protegi. E anochi informativo tabata presenta pa Research & Conservation Manager, Giancarlo 'Gian' Nunes y Terrestrial Biodiversity Conservation Ranger, Roger Solagnier y tabata yena cu informacion valioso y un compromiso colectivo pa preserva e Lora.

A comparti e trayectoria increibel di e Lora, for di nan yegada inespera te cu nan reintroduccion den Aruba su naturalesa despues di tabata extinto pa mas cu 70 aña. Residentenan tambe a siña con pa comporta nan mes ora di tende of mira e Lora, y a siña mas tocante plannan continuo pa mehora e Lora su habitat. Como un muestra di nan aprecio, ACF a regala diferente mata di fruta na e comunidad pa planta den nan hardin, creando mas fuente di cuminda pa e Lora y otro especienan.

Naturalesa no conoce frontera, p'esey hunto, nos ta e bos di naturalesa.

